

荆川先生文集

三



重刊荆川先生文集卷之四

詩

三屯營閱兵薊鎮總兵開府處

此下係戰方併兩奉使作

股肱北平郡烽火度遼營特以郎官節來巡都護兵

索駝叅陣馬

虜中得三索駝擺陣用之為衝

齎策應軍鉦三令先庚

後八門死地生妖星枉矢墮殺氣蓐收行象綴吳都

燧營中火器頗整

羊分宋士羹生羗休近塞熟虜敢淪盟閱

罷時登眺虹螺憶古城

虹螺山舊大寧都司

喜峯口觀三衛貢馬

貢道走東胡關門控北都每逢金鏡節來獻玉驄駒

酋長花當後山川松漠紆天衣沾蚪鱗國馬出駒駝

乞賞孫隨祖

大酋挈子孫十餘人討賞

專兵婦代夫

有四五婦女領部落入貢

珥璫珠落錯襁褓錦氍毹槃舞呈鞞革侏言譯象胥

白狼回右柱黑水作通衢

黑水靺鞨

明堂端拱日王會正

堪圖

自乍浦下海至舟山入舟風惡四鼓發舟風恬

日霽波面如鏡舟人以爲海上罕遇是日行

六百五十餘里

島夷頻不靜玉節遠何之誓清萬里寇敢憚一身危

聞卒精風候吳兒慣水嬉黃頭紛百隊白羽颺千旗

擊鼓靈鼉應揮戈海若隨龍驚冬不蜚蛟畏畫停絲
昨夜波潮怒中宵雲霧披天澄鏡光發風嫩穀紋滋
鄒衍瀛洲數莊生秋水詞乾坤元莽闊人世自牽羈
已傍漁山泊還尋馬跡期日弄看畧轉途變識針移
雙嶼厓門險半洋礁石奇從來惟賊路今日有王師
待獻經營績三山勒一碑

雙嶼港半洋
礁皆海中

謁夷齊廟二首

未訪箕山塚來經孤竹墟精光猶日月冠冕肯泥塗
國合歸中子心元避獨夫千年北海轍還見盍歸乎
歸周仍避紂渭叟况同襟叩馬何饒舌採薇還苦吟

當年諫武意昔日事殷心生死知音在明夷用獨深
叩馬之說不經見而詳於太史氏夫子止稱伯夷
求仁得仁而孟軻氏以爲夷與太公同避紂歸周
而倡天下以從周然則助成周之王業者夷與太
公也太公鷹揚而夷諫與夫既已身遠避之而又
諫伐之者既已助成其王業而又復諫止之皆疑
於不類此王臨川輩所以據孟氏以征史遷之誣
也嘗思之而得其說夷之歸周歸文王也文王終
身事殷伯夷叩馬而諫然則始終與伯夷同心者
文王也文武父子一道然夫子稱文王至德而未

盡善於武則微意亦可知矣夷之歸周不嫌於同
其父而不同其子其與太公亦不嫌於始同而終
異也遷之說其亦未可以爲誣哉

古北口觀降夷步射復戲馬馳射至夜

古北有降夷十

數家男婦可四五十人並潮河牆內居

潮河北來幾千里夾岸穹廬雜軍壘傳聞漢官旌節
至驚咄歡迎競羅跪抹額貂皮并繫腰胡婦赤脚胡
兒履中有老胡能漢語辨髮一條銀鼠尾告言天煖
弓力弱箭塏乞移三四尺

胡精於射而不能遠又弓解膠之時晚告移塏稍近

蓋模寫實也

蹲腰搗目滿彎弧箭箭齊奔月兒裏當軒賜

與錦纏頭漢人喝采胡人喜自矜長技正未竭一躍
上馬事馳突珠帽半不賣歌邪鐵驄驕嘶弄餽飢可
憐人馬如爭巧人藏馬腹馬人立翻身倒卧馬背上
馬尾翮鬆亂人髮忽然馬去不聞聲一路驚塵向空
沒滿眼流星透烟霧道是胡兒飛箭發想見天山射
鵬時意氣雄豪誰可越騎歸人散悄無諠卸却牙旗
捲秋月

山海關陳職方邀登觀海亭作

萬里羣山盡海頭誰築關城控上游巨靈劈山鬼鞭
石英雄作事與神謀

此關徐武寧築

水壓蛟龍蟄深窟陸斷

豺虎潛遐陬司馬分符來作鎮坐銷奸究護神州夜
半鳴雞空獻計橐中置人仍被搜魏冉故事深秋邀我觀
海樓水潦初清海霧收風恬浪細魚鱗起隔岸隱隱
見東牟百年海禁頗嚴密烟波莽闊無行舟

聖明弛禁濟饑窘米船銜尾浮羣鷗時遼人大飢百
弛海禁載米

船到岸一船覆大利小害誰能周遼人生不識舟楫
雲帆錯指旗上遊午炊且飽盈瓶粟夜卧免唱量沙
籌幾時醜虜忽東徙遼薊騷然闕不休關外胡笳關
內柝婦女乘障夫虔劉鴟蹲蛆食安可長瘼肉不剪
成懸沉會須驅逐遠漠北安得猛士挺長矛昔人失

却渝關險腥穢中華千古羞

盧龍行 詠田疇

公孫昔日據玄菟北連蹕頓騁狼顧曹公萬里動征
師到此沮洳不得渡田生義俠久知名駐車虛左親
邀迎屏人慷慨談心腹兵家詭道先虛聲盧龍小路
繞一騎佯言返旆潛度兵夜半遂斬名王首一矢不
折鯨鯢清功成笑擲封侯印依然被褐返茅荆當時
策士如雲擁奇謀却屬一書生山川寂歷霸圖歇
蘿滿眼高蹤絕瀚海陰風鼓角悲燕山寒月挂旌旗
祗餘今人守塞處猶似昔人出塞時俛仰乾坤一回

首賢達伏藏何不有不見華陰鸞屐生詎識平原賣
漿叟自憐局促畏簡書安得停車訪巖藪

卧病作二首

孤踪原自與時屯兩月郎官半閉門藥石番爲二孺
笑精華祗覺百骸存魯門未慣爰居性楚客愁窺虎
豹閣却憶扁舟秋泛處洞庭木葉水波翻

閒情已覺釣非釣末路久居才不才燭武本非食肉
相無鹽亦被入宮猜雍容珮玉身難置馳騁兵戈心
又灰擊劍讀書堪自笑昨非今是好歸來

至職方作余初釋褐補官武選主事今適三十

年

畫省棲遲已卅年今來似有再生緣署郎馮叟何言
晚薄望東坡半是仙心事江湖思報主兵戈南北愧
籌邊簿書若謂真成懶日晝先天幾箇圈

再官京師懷趙浚谷中丞

江潭詎意復修門舊侶京華訐幾存跡比孤雲難有
託心思公子欲何言太白幾時還避畫鬼方計日想
稱藩李廣鴈門今罷守短衣獵騎正秋原

嚴介谿相公見示戊午紀年詩次韻四首奉贈
黃閣成功久宴然問齡纔及卜熊年俯躬忘却絲綸

貴臞貌真疑山澤仙賜直內庭頻守歲

公每歲除夕亦不休休

獻謀前席幾回天更待風烟靜南北九重還見錫爰

田

精神海鶴美翩然一入瀛洲五十年朝野共推黃髮
老身名何必赤松仙經綸不廢烟霞味寢食常嚴咫尺
天歲歲續成時政記豈同先輩錄歸田

老臣半度自凝然夷使趨朝竦望年帝劄不名多署
字歲星應象或稱仙膝前欵語驚忘食禁裏乘輿訝
上天知公不忍庖厨意九野春回是寸田

某嘗俟食於公語及人與物同之說公慨然有

遠庖厨之戒故云又黃庭經云寸田尺宅

游絲掖戶對悠然猶似鈴山靜卧年雅性好文兼好
士修齡非藥又非仙夜調羽檄消多壘晝接龍光切
九天自愧樗材虛汲引祇宜仍舊種瓜田

密雲閱兵作

亭徽逢秋鵬羽輕良家六郡試雄兵一夫天險盧龍
塞萬炬星飛翼虎營清笳乍歇聞鳴鏑突騎纔迴見
伏旌有道四夷方設守年年長此護神京

度潮河

流淺沙明自可憐未經秋潦轉澄然馬腹浮河仍飲

水甲光映日更搖川幾處穹廬移就草

有屬夷並河居數家

甌脫曲依泉沿堤猶見青楊柳祇覺南州鄉思懸

夜上石塘嶺關

白河入口石塘城上流元自古開平巖立星辰孤墮

影野清刁斗空傳聲戍樓倚月橫吹動虜帳燒腥遠

火明魏將殞身曾此地邊人語及尚沾纓

正德末魏年參將祥

難被於此

石塘道中

高城落月鴈飛斜數畝沙田稻亦花路繞曲河十八

度人棲礮石兩三家堠烟山靄爭明滅戍笛秋聲并

慘嗟聞道松亭遣探騎時時愁被熟夷遮

古北口城此城雄據山頂蓋徐武寧之經畧也

諸城皆在山之窈此城冠山如鳥巢鼓角千峯虎旅

散漢胡一路犬牙交

薊鎮一道漢地與虜盡相交又如之字

熟夷生虜

逌番覆怪石崩川爭怒號到此令人思猛士天山萬

里縱鳴弰

宿黃厓營

棲棲終日旅邊城夜向黃厓問古營幾家戍鼓漁陽

搃聯騎鏡歌薊北行

漁陽搃薊北行皆樂名

峽束雨湫高怒水

山凹樹竅激秋聲躍馬壯年微志在不緣此地客心

薦唐人蘇門詩云燕臺一去客心驚故反其言以爲結

游遵化湯泉

絕塞逢秋已覺涼此中氣候訝非常
流金每似臨三伏晞髮真成向九陽
山烟靄靄分朝潤草色青青敵夜霜
我亦臨流堪一笑稽生盟浴久相忘

余有稽康之癖不沐者矣

廿年

登喜峯古城時三衛貢馬散牧塞外

絕頂孤峯見廢關短衣落日試躋攀
三秋豹旅方乘障萬里龍媒正滿山
候鴈似隨鄉思去寒花將送使臣還
籌邊迂薄真無補空望伊吾抵掌間

曉發喜峯

客心流水與爭馳，寒壘疎星度峽時。
未返王孫猶草色，初來戍卒是瓜期。
去鄉祇覺蟬聲似，出塞方知馬脊危。
辛苦下情何計達，早年曾誦采薇詩。

入秋久矣，餘熱尚在。閏月十五日，太平寨始見秋色。

漫漫嵐氣半晴陰，撼撼庭柯葉亂吟。
始覺孟秋雲物至，因知宴歲旅情深。
孤鶯影跼寒巖草，鳴蝮聲連野戍砧。
戈甲滿山乘塞卒，天驕何處欲相侵。

月下小坐書懷